



WUPU WA EUROPEAN UNION WUPU WAKUWONELERA VISORA VISORA VYA MU 2025 M'MALAWI



- Wupu uwu uzamulonderezga nkhani zose za visora, makamaka vya nga ni ivi:
- Marango, kweneso ndondomeko zose za visora
- Umo awo bakwendeska visora bakugwilira ntchito yawo
- Udindo wa mawupu ghakupambanapambana gha mu charo cha Malawi pa nkhani ya visora
- Umo kalembera wa visora wakendera
- Kampeni kweneso ndalama zakuchitira kampeni
- Kagwiriskiro ntchito ka makina ghaphya gha intaneti pa nkhani ya visora
- Umo makani gha wanangwa wa banthu pa nkhani ya visora, makamaka wanangwa pa makani gha ndyale
- Umo bamama, bawukirano kweneso magulu ghanyake gha banthu bakusuzgika bakutolerapo luwande pa makani gha visora
- Udindo wa nyumba zakuthandazga makani, makamakasos vya makina gha intaneti pa makani gha visora
- Udindo wa mawupu ghakuyima paghekha (civil society)
- Kavotero, kuwerengeskera mavoti kweneso kuthandazga awo bawina visora
- Madandaulo na kudinginyika pa umo visora vikwendera, panji umo vyayendera
- Kuthandazga awo bawina visora

Wupu wa European Union (EU) watumizga bamiliri bake bakuzakawonelera umo visora vya pa 16 September 2025 viyenderenge kuno ku Malawi.

Kulondezga pempho ilo likafumira ku charo cha Malawi, wupu wa EU watumizga nkhwanthu zakuwona umo visora vikwendera (European Union - Election Observation Mission to Malawi) kuti zizakawonelere umo visora vya pulezidenti, bamiliri ba ku mphara ya marango (MPs), kweneso visora vya ma khansalala vizamuyendera pa 16 September 2025. Wupu wa EU wakhala ukutumizgapo mumanyuma umu nkhwanthu za visora pa visora vya mu vyaka vya 2004, 2009, 2014, kweneso 2019. Mwakusazgirapo apa, wupu wa EU wakhala ukutumizgaso nthumwi zawo kuzalondolozga umo visora vyayendera pamanyuma pakuponya voti mu vyaka vya 2013, 2017 kweneso 2022, icho chikulongora kuti ba EU mbakujipereka chomene kuti bawovwire kukhwimiska wanangwa wa demokalase mu charo cha Malawi.



Udindo Ukuru wa Bamiliri:

Chomenechomene, udindo wawo ndi kuzawonelera umo ntchito yose yakukhwaskana na visora yikwendera, kweneso umo yizamuyendera, pakuwoneseska umo ntchito iyi yikulondezgera marango ghakukhwaskana na visora gha charo cha Malawi, kweneso marango ghanyake gha visora gha charo chose chapasi agho Malawi yikulondezga. Ntchakwenelera kupanikizga kuti wupu wa EU Election Observation Mission ukusimikizga kuti uyo wawina pa visora ni njani yayi – chifukwa uwu ni udindo wa wupu wakwendeska visora muno m'Malawi wa Malawi Electoral Commission (MEC).

Press Officer: Emilia Hinkkanen
emilia.hinkkanen@eueom-malawi2025.eu
info@eueom-malawi2025.eu
+265 999 578 619 / +265 890 009 004

<https://malawi2025.eueom.eu>
 <https://www.facebook.com/eueommalawi2025>
 <https://x.com/EUEOMMalawi2025>
 <https://www.linkedin.com/company/eu-election-observation-mission-malawi-2025>



WUPU WA EUROPEAN UNION WUPU WAKUWONELERA VISORA VISORA VYA MU 2025 M'MALAWI



Kugomezgeka Kweneso Kuyima Pawekha pa ba EU

Wupu wa EU uli na ndondomeko zakukhazikika makora chomene izo wupu uwu ukulondezga pakuwonelera visora, izo zakhala zikugwiriskika ntchito mu visora vyakupambapambana, mu vyaro vyakupambanapambanaso kwa vyaka vyakujumpha 20 sono.

Chakwenelera kupanikizga ntchakuti nkhwanthu zakuwonelera visora izi za wupu wa EU zikunjilirangapo yayi pa kendeskero ka visora, ndipo zilije nkhangono nesi mazaza ghakusinthu masuzgo agho ghasangika pa mavoti, chomenechomene pa makani gha ma figara gha mavoti. Banthu bose awo batumika kuwonelera mavoti bakulondezga marango gha nkhangono chomene gha visora agho ghakovwira kuti munthu waliyose uyo watumika na wupu wa EU wakhale wakugomezgeka na waliyose.

Mwantheura, bakuwonelera visora ba European Union Election Observation Mission bakugwira ntchito yawo mwakulondezga marango kweneso ndondomeko izo wupu wa United Nations (UN) ukakhazikiska mu chaka cha 2005 wa Declaration of Principles for International Election Observation. Chifukwa cha ichi, nthumwi zose izo zatumika pa ntchito yakuwonelera visora zikukharanga na maghanoghano ghawo kwambura kugwedezegeka na wupu ukuru wa EU kuno ku Malawi, vyaro ivyo ni mamembara gha EU, kweneso wupu unyake uliwose uwo uli pasi pa wupu wa EU.



Wupu wa European Union Election Observation Mission ukulongozgeka na mulara wawo (Chief Observer), uyoso ni mwimiliri wa mphara ya marango ya vyaro vyose ivyo ni mamembata gha EU ba Lucia Annunziata. Wupu wose uwenge na nkhwanthu zakuwonelera visora zakujumpha 100 kufumira ku vyaro vyose ivyo ni mamembara gha wupu wa EU, kweneso zinyake zakufumira ku vyaro vya Norway, Switzerland kweneso Canada – ivyo ni mamembara yayi gha wupu wa EU.


Mu wupu umu, muli nkhwanthu 10 (election analysts) kweneso ba Deputy Observer awo bakugwira ntchito nga ntchandamira za wupu wose wakulondezga visora ivi, ndipo banthu awa bakiza kuno ku Malawi pa 2 August 2025. Ntchandamira izi ntchito yawo ni kuwoneseke kuti ndondomeko zose za visora zikulondezegeka. Banthu awa bakovwirika na nkhwanthu zinyake pa vinthu vya dazi na dazi nga nkhanu ya chivikiliro chawo.

Pakusazgirapo apa, wupu wa EU utumizgengeso nkhwanthu zinyake 28 izo zifikenge mu charo chino pa 21 August 2025, ndipo zitumizgikenge mu maboma ghakupambanapambana mu charo chose cha Malawi. Gulu ili lizamuwonelera visora mu madera ghawo, ndipo bizamutumizganga ma lipoti ku likulu ku Lilongwe umo visora vikwendera mu maboma agho bazamutumika.

Mwantheura, nkhwanthu zinyakeso zakuzawonelera visora zakukwana 32 zizamufika mu charo chino pa 15 September 2025. Nthumwi izi zizamukovwirika na banji awo wupu wa EU muno m'Malawi, kweneso ba kazembe ba charo cha Norway bazamulemba mu Malawi mwenemuno. Banthu awa bazamuwonelera kavotero, kuwonelera kwerengeskera mavoti, kweneso kuzawonelera kuthandazga awo bawina visona.

Mwakulondezga malamulo kweneso ndondomeko ya wupu wa EU, nkhwanthu zakuzawonelera visora zizamupereka lipoti lawo lakwamba kweneso kuchitiska msonkhano wa bamtolamakani ku Lilongwe pa 18 September 2025.

Lipoti laumaliro la vyose lizamuperekeka ku balarabalara bakukhwaskiska na kwendeska visora muno mu Malawi nga ba Malawi Electoral Commission (MEC), na banyake bose pakati pa mwezi umoza na yitatu para visora vyajumphapo.



Press Officer: Emilia Hinkkanen
emilia.hinkkanen@eueom-malawi2025.eu
info@eueom-malawi2025.eu
+265 999 578 619 / +265 890 009 004

<https://malawi2025.eueom.eu>
<https://www.facebook.com/eueommalawi2025>
<https://x.com/EUEOMMalawi2025>
<https://www.linkedin.com/company/eu-election-observation-mission-malawi-2025>